

Pimmariuninga nutaqqat iniqtiriningit ammalu angajuqqaarijaujut upigijauttiariaqarningit

**Nutaraq ilinniaqtitsigit
aqqutigijariaqaqtaminik,
innarurunilu
aqqutiginiaqtanganik
qimaijjaangittuq.
Uuktuutiliat 22:6**



Angajuqqaarijaujunut

Takugit, qiturngangit ataniup kinguvaarijauvut, illiarngmik qiturngangit saalaksausiarijauvut.

Inngiusiq 127:3

Nagguarminik nalligusuktuq irngnirminik uumigusuktuq, nagligusuktuli irngniminik aaqqiksuivakpuq. Uuktuutiliat 13:24

Atanirmik kappiasungniq sanngijumik uppirusungniqaqpuq, qiturngangillu qimaaviqarniaqput. Uuktuutiliat 14:26

Irngniit aanniqtirigit niriungniqaqtillugu, uummatigijait qianinganut nalligusuktittailigit.

Uuktuutiliat 19:18

Silairrijaarniq nutaraup uummatingani aaqqiksimavuq; Kisianili aaqqigiarutiup tigumiaganga ungasiksiniqaqpuq taassuminga. Uuktuutiliat 22:15

Nutaraq aaqqigiaqtauttailigit, aanniruviuk aanniqtiruviuk tuqujjaangittuq. Aannirniaqpait tigumiagarmut, uummatinga saputiniaqpait tuqungajunik. Uuktuutiliat 23:13-14

Aggualik aanniqtirinirlu silatunirmik tunisivuq, nutaraq imminik qimaktausimajuq anaanaminik kanngusuktittivuq. Uuktuutiliat 29:15

Irngngnirngmik aaqqiksigit, taqaiqsiqtinniaqpait; li, uummatingnut quviasuktittinniaqpuq.

Uuktuutiliat 29:17

Qiturngatilimaallu ataniup ilinniaqtitauniaqput; Qiturngatillu sailiniqarniaqput angijumik.

Aisaija 54:13

Irngnirminik nagligusuktuq tigumiaqtiuvakpuq tigumiagarmik, quviasugutiginiarmagu kingulliqaami. Irngnirngminik aanniqsirijuq quviasungniaqpuq taatsuminga, quviasungniaqpuq qaujimajaminik. Irngnirminik ilinniaqtittijuq akiraminik quviasugunniiqtittivuq, piqannarijangita saangani quviasugutiqarniaqpuq taatsuminga. Ataata tuqugaluqaqpat, tuqungajujaanngilaq, qimaisimangmat imminik ajjipalunganik. Inuutillugu takulauqpuq quviasukhlunilu taatsuminga, tuqugamilu quviasugunniilaunngilaq. Qimailauqpuq akiniaqtimik akiraminut, tunnganarnirmullu piqannarijaminut akiliqsuiniaqtumik. Irngnirminik quviasuktittiluaqtuq aannirutiminik aaqqiksuiniaqpuq; Iqungalu quaqsaarnaqtumiinniaqpuq qiajulimaanut. Qimuksiq siqumitausimanngittuq niaqunga sanngijuuliqpuq, nutaraqlu imminik qimaktausimajuq pijumaniaqarniaqpuq. Qiturngait suraktirukku, ilingnik kappiasaariniaqpuq, pinnguaqatigilugu, ilingnik kappiasulitittiniaqpuq. Iglaqatigittailigit, qiksaaqatiginiannginnaviuk, kigutillu quiqsurniaravigit kingullirmi. Makkuktuutillugu isumaqsuqtittailigit, silairrijarnirijangit takunnaqtailigit. Qungasinga qummuatillugu nutarautillugu, saniraagut aannirlugu nutarautillugu, sapiliqunagu ilingnik naalagunniiqunagu, uummatingnut quviasugunniiqunagu. Irngniit aanniqsilauruk, iqqanaiaqatillugulu, piungittumik piusiqarninga ilingnut aannirutaunagu. Siraak 30:1-13

Nutaqqanut

Ataatait anaanaillu upigittiarlugit, ullutit akuniuniarmata nunami ataniup guutivit tunijangani ilingnut. Aniniq 20:12

Irngnira, ataniup aanniqtirininga qujanaaqsittailigit; Taqattailigit aaqqiksuininganut: ataniq nagligijaminik aaqqiksuivakpuq; Ataatatitut irngninganik quviagijaminik.

Uuktuutiliat 3:11-12

Uuktuutingit saalaman. Irngniq silatujuq ataataminik quviasuktittivuq, irngnilli silatujuq anaanaminut quviasuktittivuq. Uuktuutiliangusimajut 10:11.

Naalagit ataatait ilingnik saqqittilauqtuq, anaana it innaruqpat qujanaaqsittailigit.

Uuktuutiliat 23:22

Qiturngasi, naalagitsi angajuqqaasi ataniup iluani, tamanna naammangmat. Ataatait anaanaillu ikpigittiarlugit; Taanna sivulliqpaaq tilisijjutiujuq angirutigisimajanga; Ilingnut qanuinngittiaqullutit akunilu inuuqullutit nunami. Ipsiamiunut 6:1-3.

Ataatait uummatilimaarnut upigilugu, anaanavit qiksaangningit puiguqtaililugit.

Iqqaumagit taakkunanngat qiturngarijaulauravit; Qanurlilu taakkua akilirunnaqpigit ilingnut pinasuarnirilauqtangit? Siraak 7:27-28

Tusaagit uvannik ataatasi, qiturngasi, kinguniagut pinasuaritsi, attanajjaiqsimaqullusi. Ataniq tunisisimangmat ataamik qiturngaminut ilitarijaunirmik, anaanaujullu pijunnarniqaqtitsisimangmat irngniminut. Kinatuinnaq ataaminik ilitaqsijuq ajurngnirngminut akiliqsuivuuq, anaanaminilu ilitaqsijuq piqutinik nuattijutitut. Kinatuinnaq ataaminik ilitaqsijuq nangminiq qiturngaminik quviasungniaqpuq; Tuksialirunilu tusaqtauniaqpuq. Ataaminik ilitaqsijuq akuni inuusiqaarniaqpuq; Atanirmik naalaktuq anaanaminut sailititauniaqpuq. Atanirmik kappiasuktuq ataaminik ilitaqsiniaqpuq, angajuqqaamingnik pijitsirniaqpuq angajuqqaaminik taivititut. Ataatait anaanaillu upigilugit uqausikkut pinasuarnikkullu, taakkunanngat quviasuktitaupullutit. Ataataup qujalininga qiturngangita iglungit aqqiktausimavut; Kisianili anaanaup aanniqtirininga tunngaviujunik piijaivuuq. Ataatavit quviagijaunnginninganut upigusunngillutit; Ataatavit kanngusuktitauninga ilingnut quviagijaunngilaq. Inuk niqtuiniq ataatangata niqtuininganut pivuuq; Anaanaujuq sulijurijaungittuq qiturnganginnut ninngaumajjutauvuq. Irngnira, ataatait ikajulauruk ukiuqaliqtillugu, quviasugunniiqtittaililugu inuutillugu. Tukisiumaningalu nuqqaqpat, qinuisaarvigilugu; Taannalu qujanaaqsittailigit sannginiqattialiruvit. Ataatavit ikajurnirilauqtanga puiguqtaujaangittuq, ajurngnirngnut ilaliujjauniaqpuq ilingnut sanajauqullugu. Ullumi aksururnaqtukkuuliqtillutit iqqaumajauniaqpuq; Ajurngnirijatit nunguppallianiaqput, sikutitut sila uqquutillugu. Ataaminik qimaijuq guutimik kappiasarijutitut; Anaanaminik ninngaktittijuq guutiup ninngaktitauvuq. Siraak 3:1-16

Iniqtirigutta qiturngatinnik, qianiaqtut maanna kisiani quviasunniaqtut sivunitinni.
Iniqtirinngikkutta qiturngatinnik, quviasunniaqtut maanna kisiani qianiaqtut
sivunitinni.

Surusiit sivuniksarigattigu nunatta. Kisiani innarurniaqpata iniqtiqtaunngillutik, qanuq
sivuniksaqarniaqpa nunattinni?

Innaup piusirivattangit taikkua aaqqigiaqtaulauqsimanngittut uvvaluunniit
iniqtiqtaulauqsimanngittut surusiutillugu. Piruqsaijariaqaratta surusirnik
kappiasuktunik, nalligusuktunik, ammalu naalaktunik guutimik.

Uumajumik marruummik tigusilauqpunga
Ammalu aaqqiksuqtauvallialluni qautamaat
Tikikkannilauqpunga arraaguit aniguqsimaliqtillugit
Angutiulauqtuq takunnalauqtara
Suli taimanna atulauqtuq
Ammalu asijjirunnailillugu